

Эҳромга кириш



09:00 / 15 июнь 9083

Ҳамма тайёргарликлар ниҳоясига етиб, ҳаж амалларини бошлаш навбати келади. Шунда ҳаж амалларидан биринчиси эҳром бўлади.

«Эҳром» арабча сўз бўлиб, луғатда «ҳаром қилмоқ» маъносини англатади. Эҳромга кирган одам учун эҳромдан олдин ҳалол бўлган баъзи иш ва нарсалар ҳаром бўлади. Мисол учун, бошқа вақтларда ўзига хушбўй нарсаларни сепиши ҳалол эди, эҳромга киргач, бу нарса ҳаром бўлиб қолади.

Эҳромда кўпгина ҳикматлар бор. Масалан, дунёвий кийимлардан, ҳавойи нафснинг шаҳватларидан холи бўлиш Аллоҳ йўлида ўзини бағишлаш рамзидир. Инсон эҳромга кириш вақтида, яъни кийимларидан жудо бўлаётган ва эҳром кийимини ўраётган пайтида бир кун келиб кафан ичига киришини ўйласин. Чунки у Аллоҳ таолога йўлиқишда ҳам, ҳажга бораётган чоғдагидек, дунёвий кийимлардан бошқача кийимда бўлади.

Шу билан бирга, эҳромда ҳамма Аллоҳнинг ҳузурини баробар экани намоён бўлади. Ҳаммининг кийими бир хил – икки парча оқ матодан иборат бўлади. Ҳамма бошланг, оёқланг бўлиб, Аллоҳ ҳузурини ўз хоксорлигини изҳор этади. Эҳромдаги кишининг турли нарсалар ва ишлардан ман қилиниши унда сабр-тоқатни, чидам ва бардошни камол топтиради ҳамда

Аллоҳ таолонинг неъматлари қадрига етишни ўргатади. Гуноҳлардан сақланиш малакасини орттиради. Уламолар таърифида эса, эҳром ҳаж ёки умрага ният қилиш ва талбия айтиш билан айрим махсус ишларни ўзига ҳаром қилишдир.

Эҳромнинг ҳақиқати ҳаж ёки умра ёки иккаласига бирданига ният қилиб, талбия айтишдир. Эҳром учун фақат ният қилиш ёки талбия айтиш кифоя қилмайди. Намозда қалб билан ният, тил билан эса такбири таҳрима айтилиши лозим ва шарт бўлгани каби ҳаж ёки умра эҳромига киришда ҳам ният билан талбия биргаликда топилиши лозимдир. Шу боис дилда ният қилиб, тил билан талбия ёки унинг ўрнини босадиган Аллоҳ таолонинг зикри айтилмаса, эҳромга кирган ҳисобланмайди. Шунингдек, тил билан талбия ёки унинг ўрнини босадиган Аллоҳ таолонинг зикрини айтиб, қалбда эҳромга киришни ният қилмаса, эҳромга кирган бўлмайди.

«Ният қилиш билан бирга зикр ҳам қилиш керак» дегандан мурод, талбия айтиш ёки талбия каби бирор бир зикрни айтишдир ёки қурбонликни етаклаб олишдан иборат талбия ўрнига ўтирадиган нарсадир. Туя ёки молнинг бўйнига ҳаж қурбонлигини билдирадиган бирор белгини қўйиб қўйса ҳам бўлади. Киши эҳромли (муҳрим) бўлиши учун талбия ёки унинг ўрнига ўтадиган нарсанинг топилиши зарурдир.

Эркак кишининг умра ёки ҳаж ниятида тикилган кийим кийиши жоиз эмас. Агар тикилган кийим кийса, каффорат вожиб бўлади. Масалан, ёқаси йўқ кўйлак, иштон, қўлқоп, маҳси, майка, дўппи, костюм, камзул кабилар тикилган кийим саналади. Агар эркак киши юқоридаги кийимлардан бирортасини эҳром ҳолатида кийиб олса, жарима ва фидя лозим бўлади. Шунинг учун эҳром кийимлари тикилмаган бўлиши шартдир. Эҳромнинг суннати икки оқ мато олиб, бирини лунги каби, иккинчисини эса катта сочиқ каби елкасига ташлаб олишдир. Фақат тавоф вақтида юқорисига ташлаб олган катта сочиқ каби матони чап елкасини очиб қўлтиғининг остидан ўтказиб олади.

نَمُحُّمُ لَسَبَلِي أَمْ لَلِوَسْرَ آيَ: لَأَقُ الْجَرَّ نَأْ: أَمْ هُنَّ عُلُجَلُ لِي ضَرَرَمُ عَنَابِنَ عَسَنَ أَرْبَلِ الْوَأَلِي وَأَرْسَلِ الْوَأَمَّ الْوَأَوَّصُ مَقُولِ سَبَلِي الْ: لَأَقُ بَأَيِّ ثَلَا نَمَلَفَسَأَمْ هَعَطَقِي لَوْنِي فُخْ سَبَلِي لَفَنِي لَعْنُ دَجِي الْ دَحْ أَلِ، فَافْخَلِ الْوَأَوَّصُ مَحَلُّ هَأَوَّرَ. «سُرُو وَأَنْ أَرْفَعُ زَلَّ هَسَمَ أَيْ شَبَأَيِّ ثَلَا نَمَ أَوْ سَبَلَتِ الْوَأَوَّصُ بَعَكَ لَلِ

Ибн Умар розияллоҳу анҳумодан ривоят қилинади:

кароҳиятсиз жоиздир.

Эҳромнинг юқори қисмига ҳам, паст қисмига ҳам пул, паспорт ва шу каби бошқа нарсаларни сақлаш учун чўнтак тикиш жоиздир. Шунингдек, икки эҳром кийимини бир-бирига қўшиб юбориш ҳам кароҳиятсиз жоиздир.

Эҳромга кирмоқчи бўлган одам сочи, тирноғи, мўйлабини ва олиниши лозим бўлган тукларини олиб, сўнгра ғусл қилади. Кейин икки парча оқ, янги ёки ювилган матони (халқ тилида «эҳром кийими»ни) олиб, бирини киндиги билан тиззасини қўшиб тўсадиган ҳолатда белига туттади. Бу «изор» дейилади. Иккинчисини елкаси аралаш айлантириб ўрайди. Буниси «ридо» дейилади. Баданига ва эҳром кийимига хушбўй нарса суртади, аммо у нарсанинг ранги кийимда қолмаслиги шарт қилинади.

Сўнгра икки ракат намоз ўқийди. Биринчи ракатда Фотиҳа сурасидан кейин Кафирун, иккинчи ракатда Ихлос сурасини ўқийди. Сўнгра қайси ҳажни қилмоқчи бўлса, ўшанга мос ният қилади. Масалан, ифрод ҳажининг нияти:

يٰۤاَيُّهَا الَّذِيْ لَبَّيْكَ وَوَيْلٌ لِّرَسُوْلِيْكَ فَاِذَا دُرِيَ اِنَّ مَّوَدَّعِيْ

«Аллоҳумма инни уридул ҳажжа фа яссирху ли ва тақоббалху минни.

Яъни, «Аллоҳим, мен ҳажни ирода қиламан, уни менга осон этгил ва қабул айлагил».

Таматтуъ ҳажининг нияти:

يٰۤاَيُّهَا الَّذِيْ لَبَّيْكَ وَوَيْلٌ لِّرَسُوْلِيْكَ فَاِذَا دُرِيَ اِنَّ مَّوَدَّعِيْ

«Аллоҳумма инни уридул умрата фа яссирха ли ва тақоббалха минни».

Яъни, «Аллоҳим, мен умрани ирода қиламан. Уни менга осон этгил ва қабул айлагил».

Қирон ҳажининг нияти:

يٰۤاَيُّهَا الَّذِيْ لَبَّيْكَ وَوَيْلٌ لِّرَسُوْلِيْكَ فَاِذَا دُرِيَ اِنَّ مَّوَدَّعِيْ

«Аллоҳумма иннии уридул умрата вал-ҳажжа фа яссирҳума ли ва тақоббалҳума минни»

Яъни, «Аллоҳим, мен умра ва ҳажни ирода қиламан, уларни менга осон этгил ва қабул айлагил».

Агар бирор киши номидан ҳажи бадал қилаётган бўлса, ўша киши номидан ният қилиб қуйидаги дуони ўқийди:

عَنْ عَمْرِو بْنِ عَبْدِ الرَّحْمَنِ قَالَ سَأَلْتُ النَّبِيَّ صَلَّى اللَّهُ عَلَيْهِ وَسَلَّمَ عَنْ قَوْلِهِ: «أَلَيْسَ بِمَنْزِلَةِ مَنْ يَسْتَعِينُ اللَّهَ وَيَعِينُ اللَّهَ عَلَيْهِ يَصْرِفْ أَمْوَالَهُ وَمَا هُوَ بِهَا بِحَاسِبًا» قَالَ: «نَعَمْ»

«Аллоҳумма иннии уридул ҳажжа ёан фулонин фа яссирҳу ли ва тақоббалҳу минни ёанҳу».

Маъноси: «Аллоҳим, фалончининг номидан ҳажни ирода қилдим, уни менга осон этгин, мен ва унинг тарафидан қабул этгин».

«Мўминнинг умр сафари» китобидан